

B. N. C.  
FIRENZE  
1034  
31



XXXVIII  
CAST

1670



5

XXXVIII

CAST.

MICHAELIS CASTELLI  
FIVIZANENSIS

APVD PISANAM IVVENTVTEM PVBLICO  
Ciuitatis stipendio bonas literas profitentis  
in D. CATHARINAE Solemnibus

O R A T I O  
IN EIVSDEM D. CATHARINAE  
*Templo habenda.*



P I S I S,

---

Apud Leonardum Zeffium M.DC.XXVIII.  
*SUPERIORVM Permissio.*

MICHAELIS C. 1711

1711

DEUS PRAESENTI INVENTUS

Quod est in

DEUS PRAESENTI INVENTUS

O R A T I O

IN EPISTOLA D. CAT. H. 1711

1711



1711

1711




MICHAEL CASTELLVS

Perillustri D.

CAMILLO

CAMPILIAE

Patrono suo Colendissimo S.



*Nullius unquam opus cum in lucem esset  
productum vindicis operam flagitauit,  
haec certe oratiuncula illā vel maxime  
desiderat, ut quae uno die properata vel  
imperitiae si displiceat, vel temeritatis  
etiā si placeat auctori notā inurat. Scis me numquam  
nisi coactum hoc a scribmen fuisse subitum. quod si  
fueris testatus egregie me à reprehensione vindicabis.  
Muneris me pueret, nisi ingentis erga te obsequij con-  
scientia solaretur. Neque rem ad te tantulam de tulis-*

*sem*

gem nisi perditissimam causam magno patrono indige-  
re existimarem. Hominem igitur amplectere, & illa  
auctoritate, qua fractus publicum iudicium sum ausus  
experiri defende. Vale 7. Cal. Decemb.





MICHAELIS CASTELLI

FIVIZANENESIS

In D. CATHARINAE Solemnibus

Oratio.

*Habenda in templo eidem Pisis dicato.*

VIRGINEA CONSTANTIA.



VANTOPERE me vobis, Clarissime  
Praetor, Reuerendiss. Praesul, Excellen-  
tissimi Doctores approbare studeam, si  
minu antehac perspectum est, nunc vel  
maxime planissime Argumento potest  
apparere. Ad huius diei celebritatem, ad hunc doct. si-  
morum hominum concursum, ad hanc nobilissimorum  
cuium frequentiam orationem multo ante compara-  
tam, qui mihi hunc locum reliquerunt, per aliquem ex-  
ingenua iuventute in id cum cura subornatum recitare  
consueuerunt. Ita scilicet amplissimi Collegij publica,  
ita singulorum pietas exigebat, vt scientiarum miraculo  
portentosae Virgini per adolescentem, qui ad scientias  
anhelaret apud eximios scientiarum omnium professo-  
res honos haberetur. Hunc ego per aliquot annos mo-  
rem intermissum, cum primum in hanc urbem erudien-  
dae adolescentiae causa sum accitus restaurare consti-  
tueram. Sed iam de eo qui recitaturus esset cogitantem  
nescio quid suspicionis non vanae a proposito emouit.

Non defuit autem, qui sua humanitate meas partes ex-  
plere conatus, quasi socordiam increpitans me molestia  
liberare, ac istam mihi provinciam praeripere tentavit:  
quod non prius animaduerti, quam temporis angustiae  
omnem meo fungendi officio facultatem denegarent.  
Comittendum tamen non putaui, ut (quamvis meum  
obire munus in hunc annum desperarem) vel pietate  
erga D. Catharinam cuiquam cederem, vel vestrae au-  
res, quas mihi possem demereri aliena oratione imbue-  
rentur. Itaque meam ipse nouo exemplo discipulorum  
vicarius vnius diei, & inter docendi negotium medita-  
tam ad vos affero: quam rem non tam ingenij laudem,  
quam excusationem, & veniam à vobis mihi impetra-  
turam spero: neque enim acerrimum, exultissimorum  
hominum iudicium non perhorresco, quin potius pro-  
ximam temeritati audaciam non grauius agnoscere, nec  
abstinco: nam de D. Catharinae supra humanam forti-  
tudinem virtute dicturum audacter agere praecet. Extre-  
mum esse scio absolutissimae artis, ac longissimae exer-  
citationis fructum à paucis foeliciter affectatum posse de  
proposito argumento, quamvis extempore dicere; nec  
mihi tantum tribuo, ut quam rari metam contigerunt,  
ad eam mecum laude per venturum esse confidam. Sed  
animos illud facit, excitatque desidentem, quod Virgi-  
nae virtutis clarus per se satis fulgor eloquentiae lumina  
minùs desiderare videtur, cum verendum sit magis ne  
nimis ille nostram perstringat aciem, quam ne oratio  
sordefcat. Quid enim obscurum esse potest, quod tantia  
splendoribus illustratur? Nullum D. Catharinae gestum,  
nulla vitae, mortisue pars miraculo vacat. Sed si adole-  
scentulae in Christiana professione constantiam, virgulae

culae aduersus tyrannum audaciam, mulieris aduersus  
blanditias, & supplicia fortitudinem contemplemur,  
quid potest, per Deum immortalem, excogitari praecla-  
rius? Hoc ego spectaculo ut vos oblectem triplex stre-  
missimae Heroinae certamen in hac arena editum vestris  
oculis subiiciam. Primum illi contra domesticos hostes,  
fuit sustinendum, & eò quidem acrius, quò crebrius Sty-  
gio veneno imbutis telis impetebatur. Quam multas vi-  
dimus arces loco, & opere munitissimas modicis oppu-  
gnatoris opibus pertinacia tantum victas, atque expugna-  
tas victorum libidini patuisse? quae res ipsa admirabili-  
orè Catharinae facit triumphum. Parentum exempla, re-  
giae domus affluentia, & luxus, eximia formae pulchritu-  
do machinae ad muliebre praesertim animum euerren-  
dum violentissimae illà à recto pietatis tramite ne tran-  
suersum quidem vaguem flectere valuerunt. Haec om-  
nia quanta sint ut intelligatur planius, singula mecum  
expendite. Primò quidem cunctorum euincitur Philoso-  
rum suffragijs, immo quotidianis experimentis compro-  
batur, ita naturae lege constitutum esse, ut à parentibus  
filij non modò corporum habitus accipiant, sed eorum  
quoque mores, animique saepe motus imitentur: quam-  
uis enim animus nulla ex materia concretus, corruptio-  
ni minime obnoxius ex ipsius Dei veluti officina in cor-  
pora demittatur, affines tamen corpori qualitates eum con-  
trahere perspicuum est. Idque nemo mirabitur qui mo-  
dò animaduernerit natale quoque solum, quamquam  
nullas in hominis generatione partes habere videatur,  
multum ad mores ingeniumque conferre. Hinc fit ut  
aliae alijs regiones doctorum hominum sint feraciores,  
hic ad liberales artes, alibi ad arma promiores homines  
nascan-

nascentur. Itaque cum externa haec tantam in animos  
vim habere perspiciamus, parentibus eandem in liberos  
denegabimus? Quid est, quod turpius peccare existima-  
mus probis parentibus ortos, flagitia verò parentum imi-  
tantibus succensemus minùs, nisi quod illos naturam du-  
cem auersari; hos autem sequi arbitramur. Agite verò  
Aud. quos habuit maiores Catharina quorum pietatem  
sectaretur? Reges scilicet Aegypti, quibus longa cõgna-  
tione erat annexa, & ipsos turpiter Daemonibus seruien-  
tes, & seruiantibus flagitiosius imperantes, quorum prae-  
ter impietatis, & superbiae nulla illi exempla suppetebāt.  
Iam verò quid minùs pietati, ac pudicitiae commodum,  
quàm immodicae opes quae ad luxū, atq; libidinem ple-  
rumq; solent incitare; quantaec verò Catharinae fuerint  
ea res argumento esse potest, quod cū virgines alioquin,  
quamuis priuatum fastigium excedentes, colum acumq;  
tractare doceantur, Catharinae Philosophi, Rhetoresq; à  
parentibus sunt conducti, à quibus ijs quoq; disciplinis  
erudiretur, quae magnis tantummodo viris conueni-  
rent. Ad haec tantus Catharinam oris corporisque  
decor honestabat, vt immanis quoq; tyranni feritatem  
potuerit mitigare, quantus nunquam fuit eorum, qui  
semetipsos adamasse perhibentur. Haec habuit exempla  
Catharina, haec flagitiorum magis, quàm virtutum irri-  
tamenta. Quibus omnibus nō ad insolentiam muliebri-  
ter est abusa, sed animi virtutem ijs resistendo durauit, in  
maiora, quae diuino monitu sibi superesse certamina  
cognouerat, vnde victricem palmam ad cēlestem ciuita-  
tem esset perlatura. Ex hoc igitur domestico triumpho ad  
nouum certamen in templum longo famularum comi-  
tatu tanquam acie instructa processit. Oculos quaeso

Audi-

Auditors à me ipso animumq; ad Catharinam conuer-  
tite. Conspicite regiam Virginem praeter venustatem  
etiam crisdignitate commentitios heroas praecellentem,  
conspicite, inquam, cum pedissequat magnine velut  
ad insigne aliquod facinus ingredientem. Rogate quo-  
pergat liberius quàm ut eam deceat aetatem. Certe ma-  
gni aliquid praeferre videtur. At at iam in mentem ve-  
nit quò procedat: edixit Imperator, ut cuncti ad solemne  
Iouis, Mercurij, aliorumq; Deorum sacrum còuenirent;  
thus ancillae ferunt, mox opimam duci victimam cer-  
netis. Imò verò Aud. indignata, quò videt tam mul-  
tos in turpissimum daemonum servitium ruere incermis  
ipsa ultro venit Imperatorem omnibus satanae artibus  
instructum, qui tantum iubet flagitum inuasura. Iner-  
mis inquam corpore, quod saevitiae carnificum obijcere  
non formidat: animo autem contra omnes impulsus  
tam validè munita, ut ne flecti quidem, ne dum frangi  
posse videatur. Itaq; ignita fulmina Rhetoricis machi-  
nis excussa in Maxentium torquet, quorum vim cum nec  
repellere, nec sustinere se posse videret Philosophos Rhe-  
toresq; quos Catharinae opponeret iussit acciri, qui bar-  
baro saltu, vanaq; sapientiae opinione tumentes delu-  
di se ab Imperatore putabant, quò cum muliercula  
ipsi tanti nominis Viri disputare cogerentur. Sed in-  
certamen ingressi tandem non cum infano Babylonio,  
vel dicaci Graeculo esse sibi negotium cognouere: maius  
illis Mercurio numen Catharinae adesse videbatur, cum  
ne illum quidem ipsum, quem eloquentiae parentem  
venditabant puellae modò non infanti parem futurum  
esse arbitrarentur. Itaq; qui paulò ante Catharinam spe-  
ciebant ipsam cupidius incipiunt auscultare. Nec tam  
prae-

praeclaram rei benè gerendae opportunitatem virgo  
praetermisit: praedae intentæ, quam thesauris caelesti-  
bus aggereret instat, virget, donec stupentes & victos ad  
suas trahit partes. Age, Maxenti, quos tu aduocatos ap-  
pellasti in aduersariorum sententiam transiere. Num  
causa cedis? num te victum confiteris? stupore simul,  
ac furore amens obmutuit, ac Philosophos quidem quòd  
causam prodidisse putabat, & Christum cum Catharina  
prostitutebantur in flammis coniectos geminae illius victo-  
riae nuncios ad caelites praemisit. Virginem verò quæ  
blanditijs, quæ minis aggressus, postquam neutra se ra-  
tione videt proficere, saeuissimè caesam verberibus in car-  
cerem detrudit, vbi negato cibo lenta morte conficeretur.  
Quid hac dici CONSTANTIA maius, quid hac forti-  
tudine augustius praedicari potest? Virgo, cuius opibus  
omnes conciuēs inuidebant, cuius matrimonium nobi-  
lissimi quique affectabant, domesticis cōmodis beata im-  
manissimis feris crudeliores carnifices suis poenis vltro  
delassat, suo sanguine satiat. Hinc, viri, hinc fortitudi-  
nem discite, hinc exempla CONSTANTIAE petite.  
Desinat Sapiens mulierem fortem inuestigare, nisi hu-  
mana conditione augustiorem virginē augustiori quàm  
mulieris nomine compellendam arbitratur. Et sanè di-  
uina res est multorum dierum inedia tolerare, carcere  
pro caelo vti, Angelicis colloquijs frui, in obscurissimis  
specubus caelesti lumine perfundi. Duodecimo die post  
quam illuc erat detrusa proferri à Maxentio iubetur vir-  
ginis cadauër, ve vrbicēs cernens verberum saltem recor-  
datione cōferatū animū oblectaret. Inuenta est mul-  
tò quàm fuerat antè vegetior, delictis flagitiorum veltigijs  
& corpore veluti ad noua supplicia restaurato. Erubuit  
tyr-



tyrannus, & qui suum antea crimen imprudentiae nōmine praetextere potuerat, aperto coepit Deum bello prouocare. Nam postquam nihil de Catharinae CONSTANTIA aduersus illecebras imminutum videt, nouam ad eam oppugnandam machinam confingit. Quatuor compirat rotas acutissimis cultris praefixas feris ita connexas ut horrendum in voluendo ederent fragorem, quo nisi virgo terreretur, cultris imposita discerperetur. Sed vana ista terricula Catharinae solidè fortem animum nihilò plus mouere valuerunt, quàm si lenis aura firmissimam rupem impulisset. Imposita est igitur rotis, quae ad laedendum infirmiores, quàm Catharina ad patiendum ipsam ruptis vinculis incolumem excussere, atque in tortorum verniciem tota mole corruerunt. Quid cunctaris Maxentius? siquidem obstinatum est animo sacuire, alios accersere torrores, alias comminiscere machinas, vel quod promptius est securi percutere, ita totum sanguinem, si quem priores plagae reliquerunt, vnus ictus profundet: illius CONSTANTIAM nihil est, quòd te conuulsurum speres. Sapientes aduoca blandimentis illecta, minas intenta, indignissima ede exempla, tantam virtutem infringere nunquam poteris. Huc est, Auditores, prouecta prodigiola Catharinae fortitudo. Non paternis exemplis, aut domesticis ad flagitia irritamentis, quae vel constantissimum animum praecipitem egissent à pietatis est cursu reuocata. Non ipsius Maxentij venenatae illecebrae, aut horribiles minae illius fidem corruerunt. Non philosophorum conquisitis ipsam argumentis adorientium auctoritate nutauit; sed feruore diuino inflammata, quos tyrannus sacuiens ad eam oppugnandam miserat expugnauit.

Quid

Quid plura? plagae, vincula, ferrae, cultri, rotae firmis-  
simum animum nequaquam terruerunt. Triplicem ex  
triplici certamine palmam reportauit, triplicem ad cae-  
lum triumphum duxit, ubi nunc gloriosis insignibus or-  
nata conquiescit **CONSTANTIAE** suae pretio aeter-  
num fruitura.

Dixi.











